

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 6 APRIL 2017, PUKUL 10.00 PAGI

Bil. 10

WAKTU PERTANYAAN-PERTANYAAN MENTERI

1. PR-1351-MQT0083
Dato' Hasbullah Bin Osman [Gerik] minta **MENTERI PERUSAHAAN PERLADANGAN DAN KOMODITI** menyatakan Malaysia telah membangunkan skim nasional bagi pensijilan minyak sawit iaitu Skim Pensijilan MPSO. Apakah pencapaian di bawah skim ini dan apakah usaha-usaha yang sedang dilakukan oleh Kerajaan untuk meningkatkan pengambilan pensijilan MPSO.
2. PR-1351-MQT0084
Dato' Haji Ahmad Nazlan Bin Idris [Jerantut] minta **MENTERI PENDIDIKAN TINGGI** menyatakan tindakan Kementerian berkaitan Program Gap Year yang ketika ini menjadi tular di media sosial, konon ianya satu program yang membebaskan pelajar ekoran bertambahnya tempoh pengajian di universiti awam.
3. PR-1351-MQT0079
Dato' Dr. Noraini Binti Ahmad [Parit Sulong] minta **MENTERI SAINS, TEKNOLOGI DAN INOVASI** menyatakan apakah usaha-usaha pihak Kerajaan bagi memastikan pengurusan ruang siber negara boleh dilakukan dengan lebih berkesan sejajar dengan perkembangan drastik dunia digital yang melahirkan teknologi-teknologi baru seperti "fintech", "blockchain", kenderaan tanpa pemandu (autonomous vehicle) dan lain-lain lagi yang memerlukan tindakan menyeluruh untuk membendung ancaman siber yang boleh mensabotaj ekonomi negara.

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 6 APRIL 2017, PUKUL 10.00 PAGI

Bil. 20

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1351-L00507
Datuk Juslie Bin Ajirol [Libaran] minta **MENTERI KEMAJUAN LUAR BANDAR DAN WILAYAH** menyatakan pelaksanaan projek penyediaan infrastruktur lebih moden membabitkan pemasangan paip retikulasi, loji air dan pam rangsangan di kawasan luar bandar terutama di Sabah.
2. PR-1351-L00769
Tuan Haji Wan Hassan Bin Mohd Ramli [Dungun] minta **MENTERI SUMBER MANUSIA** menyatakan langkah- langkah jaminan pekerja tempatan selepas kemasukan pelabur-pelabur dari Negara China.
3. PR-1351-L00302
Dato' Dr. Shamsul Anuar Bin Hj. Nasarah [Lenggong] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan jumlah kes berkenaan dengan barangan tiruan daripada negara luar dan apakah perancangan Kementerian dalam membasmi gejala ini.
4. PR-1351-L00375
Laksamana Pertama Haji Mohamad Imran Bin Abd Hamid (B) [Lumut] minta **PERDANA MENTERI** menyatakan apakah perlunya diwujudkan "Malaysia Special Operation Force" di bawah MKN dan bagaimanakah ia dikawal dan organisasi "Chain of Command" yang diguna pakai.

5. PR-1351-L00903
Dato' Hajah Normala Binti Abdul Samad [Pasir Gudang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tindakan dan langkah yang diambil terhadap rumah pangsa kos rendah/sederhana yang mengalami masalah penyelenggaraan akibat daripada kutipan bayaran pengurusan (management fee) yang kurang memuaskan oleh penduduk kepada Badan Pengurusan Bersama (Joint Management Body, JMB) atau Perbadanan Pengurusan (Management Corporation, MC) serta apakah langkah yang diambil oleh pihak Kementerian bagi memastikan JMB / MC dapat menjalankan tugas dengan berkesan.
6. PR-1351-L00218
Dato' Raja Kamarul Bahrin Shah Bin Raja Ahmad [Kuala Terengganu] minta **PERDANA MENTERI** menyatakan apakah status projek "East Coast Railway Line" (E.C.R.L) dan syarikat-syarikat yang terbabit dengan projek yang diumumkan akan dilaksanakan dari Lembah Kelang hingga ke Kota Bharu.
7. PR-1351-L01269
Datuk William @ Nyallau Anak Badak [Lubok Antu] minta **MENTERI KEMAJUAN LUAR BANDAR DAN WILAYAH** menyatakan bilakah pemasangan penyaluran air terawat akan bermula dari Bara ke Bukit Tungku, Sayat Soh dan Seremat akan bermula.
8. PR-1351-L00922
Dr. Mohd Hatta Bin Md Ramli [Kuala Krai] minta **MENTERI KESIHATAN** menyatakan :-
 - (a) jumlah doktor-doktor pelatih (housemen) yang ditamatkan perkhidmatan dalam Kerajaan sepanjang 2015-2016 ; dan
 - (b) punca-punca penamatan perkhidmatan tersebut.
9. PR-1351-L00402
Datuk Linda Tsen Thau Lin @ Linda [Batu Sapi] minta **MENTERI PENDIDIKAN** menyatakan langkah-langkah untuk meningkatkan penguasaan bahasa-bahasa antarabangsa oleh rakyat Malaysia terutamanya Bahasa Inggeris dan Bahasa Cina untuk menambah baik daya saing negara.
10. PR-1351-L00329
Dr. Che Rosli Bin Che Mat [Hulu Langat] minta **PERDANA MENTERI** menyatakan sejauh mana kawalan dibuat bagi memastikan organ-organ dalam seperti hati, jantung dan paru-paru lembu dan ekor lembu yang dijual di Pasar dan Pasaraya adalah halal sebagaimana daging lembu halal dan tidak bercampur dengan daging tidak halal.

11. PR-1351-L00351
Datuk Hajah Norah Binti Abd Rahman [Tanjong Manis] minta **MENTERI KEMAJUAN LUAR BANDAR DAN WILAYAH** menyatakan sama ada Kementerian bercadang untuk menaikkan elaun Setiausaha dan Ahli Jawatan Kuasa (AJK) JKKK selaras dengan kenaikan elaun Pengerusi JKKK yang telah berkuatkuasa pada tahun 2017.
12. PR-1351-L00842
Tuan Liew Chin Tong [Kluang] minta **PERDANA MENTERI** menyatakan tindakan-tindakan lanjut yang akan diambil ke atas Pihak Berkuasa Wilayah Pembangunan Iskandar (IRDA) yang gagal menyiapkan Projek Sungai Segget dalam tempoh ditetapkan, dan juga gagal menangani masalah banjir kilat di Johor Bahru.
13. PR-1351-L00340
Dr. Ismail Bin Daut [Merbok] minta **MENTERI KEMAJUAN LUAR BANDAR DAN WILAYAH** menyatakan secara terperinci status pembinaan Maktab Rendah Sains Mara (MRSM) Integrasi di Labuan serta projek-projek pembinaan MRSM yang lain.
14. PR-1351-L01210
Tuan Sivarasa A/L K. Rasiah [Subang] minta **PERDANA MENTERI** menyatakan setakat ini sejauh mana Pasukan Petugas Pelaksanaan Khas Masyarakat India (SITF) telah berjaya membantu orang India yang tidak didokumentasikan, untuk memperolehi sijil kelahiran dan kewarganegaraan.
15. PR-1351-L01332
Datuk Haji Mohd Fasih Bin Mohd Fakeh [Sabak Bernam] minta **MENTERI KEMAJUAN LUAR BANDAR DAN WILAYAH** menyatakan langkah Kerajaan bagi meningkatkan kesejahteraan masyarakat luar bandar dan memastikan pertumbuhan seimbang merentasi kedudukan geografi termasuk menggalakan lebih banyak pelaburan swasta di luar bandar dan adakah kerajaan bercadang untuk mewujudkan pembangunan bersepadu wilayah yang meliputi Sungai Besar, Sabak Bernam dan Bagan Datuk.
16. PR-1351-L01235
Dato' Mansor Bin Othman [Nibong Tebal] minta **PERDANA MENTERI** menyatakan sejauh mana Pasukan Petugas Khas Masyarakat India (SITF) berjaya melaksanakan program-program agenda tindakan Unit ini bagi membantu peningkatan taraf sosio ekonomi golongan kaum India B40 yang tinggal di estet-estet dan juga di bandar-bandar.
17. PR-1351-L00208
Datuk Joseph Salang Anak Gandum [Julau] minta **MENTERI KEMAJUAN LUAR BANDAR DAN WILAYAH** menyatakan status pembinaan bagi Jalan Nanga Entabai - Rantau Limau dan Jalan Nanga Entabai-Jalan Engkamop, Julau.

18. PR-1351-L00911
Tuan Haji Nasrudin Bin Hassan [Temerloh] minta **PERDANA MENTERI** menyatakan adakah Kerajaan akan mengkaji semula penubuhan jawatankuasa Ombudsman bagi menangani gejala salah laku dikalangan penjawat awam yang semakin berleluasa.
19. PR-1351-L00620
Dato' Sri Hasan Bin Malek [Kuala Pilah] minta **MENTERI KEMAJUAN LUAR BANDAR DAN WILAYAH** menyatakan sejauh manakah usaha dan langkah yang diambil oleh pihak Kementerian bagi memastikan peniaga bumiputera di MARA Digital yang menceburi bidang teknologi terbela dan dapat bersaing dengan peniaga lain yang lebih besar dan berpengalaman.
20. PR-1351-L00811
Ust. Dato' Dr. Mohd Khairuddin Bin Aman Razali [Kuala Nerus] minta **MENTERI DALAM NEGERI** menyatakan punca jumlah banduan di negara ini melebihi kapasiti penjara dan apakah langkah-langkah bagi menanganinya.
21. PR-1351-L00050
Datuk Zahidi Bin Zainul Abidin [Padang Besar] minta **MENTERI BELIA DAN SUKAN** menyatakan adakah Sukan Catur diberikan bajet dan insentif pembangunan sukan berprestij tinggi bertaraf antarabangsa. Ini kerana sukan catur di Malaysia berpontensi besar untuk menjadi sukan pilihan rakyat, mempopularkan negara dan boleh menjadi pemangkin kepada proses kita melahirkan modal insan yang mempunyai 'Kemahiran Berfikir Aras Tinggi'.
22. PR-1351-L01346
Tuan Manivannan A/L Gowindasamy [Kapar] minta **MENTERI BELIA DAN SUKAN** menyatakan status terkini persediaan negara untuk Sukan SEA 2017 dan jumlah kos yang terlibat. Senaraikan bilangan pingat dan kategori/bidang sukan yang disasarkan oleh Kerajaan dalam temasya Sukan SEA 2017.
23. PR-1351-L00526
Dato' Sri Wee Jeck Seng [Tanjong Piai] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah perkembangan terkini dalam usaha Kementerian untuk mewujudkan bekalan bank tanah Kerajaan untuk pembangunan rumah mampu milik dan menyemak semula Akta 318 bagi membolehkan Kementerian mengambil tanah lot yang telah terbengkalai untuk pembangunan semula.
24. PR-1351-L00941
Dr. Hajah Siti Mariah Binti Mahmud [Kota Raja] minta **PERDANA MENTERI** menyatakan adakah Kerajaan berhasrat untuk menyemak semula elaun-elaun kakitangan awam.

25. PR-1351-L00167
Dato' Wira Othman Bin Abdul [Pendang] minta **PERDANA MENTERI** menyatakan jumlah kakitangan Kerajaan yang dikenakan tindakan atas salah laku seperti Laporan ketua Audit Negara yang terakhir. Apakah jenis tindakan yang telah dikenakan.
26. PR-1351-L00750
Tuan Nik Mohamad Abduh Bin Nik Abdul Aziz [Pasir Mas] minta **MENTERI DALAM NEGERI** menyatakan bentuk-bentuk dan tahap keseriusan pengaruh Daesh dalam kalangan warga Institusi Pengajian Tinggi (IPT).
27. PR-1351-L01050
Datuk Jumat Bin Idris [Sepanggar] minta **MENTERI KOMUNIKASI DAN MULTIMEDIA** menyatakan apakah perancangan Kementerian untuk memperluaskan jaringan Internet meliputi kawasan-kawasan tanah tinggi seperti di Inanam.
28. PR-1351-L00461
Dato' Kamarudin Bin Jaffar [Tumpat] minta **MENTERI LUAR NEGERI** menyatakan sama ada Kementerian telah mengeluarkan kenyataan bantahan terhadap keputusan parlimen Israel pada Februari 2017 menghalalkan secara "retrospective" pembinaan lebih 4000 rumah secara haram diatas tanah orang Palestin di Tebing Barat.
29. PR-1351-L00103
Datuk Abd Rahim Bin Bakri [Kudat] minta **MENTERI KEWANGAN** menyatakan bilakah Kerajaan menyediakan "full-pledged" perkhidmatan bank di Daerah Pitas yang semakin berkembang ekonominya dan perlu disokong oleh kewujudan perkhidmatan bank kepada pengguna dan peniaga tempatan memandangkan mereka terpaksa ke perkhidmatan terdekat di Kota Marudu hampir 70 kilometer jauhnya.
30. PR-1351-L01259
Tuan Ramkarpal Singh A/L Karpal Singh [Bukit Gelugor] minta **PERDANA MENTERI** menyatakan sama ada Kerajaan adalah serius dalam cadangannya untuk menghapuskan hukuman mati mandatori dan sama ada Kerajaan bercadang untuk melaksanakan "moratorium" terhadap banduan-banduan akhir yang kini menghadapi hukuman-hukuman tersebut.
31. PR-1351-L00579
Dato' Hasbullah Bin Osman [Gerik] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tindakan pihak Kementerian dalam membantu golongan belia terutamanya di kawasan bandar yang menghadapi pelbagai cabaran untuk memiliki kediaman mereka sendiri.

32. PR-1351-L00127
Dato' Dr. Noraini Binti Ahmad [Parit Sulong] minta **MENTERI SUMBER ASLI DAN ALAM SEKITAR** menyatakan apakah usaha FRIM ke arah mengekalkan status sebagai sebuah Warisan Kebangsaan dan mengapa FRIM berhasrat untuk mendapat pengiktirafan World Heritage Site memandangkan FRIM telah diiktiraf sebagai Tapak Warisan Kebangsaan pada tahun 2012.
33. PR-1351-L00825
Puan Rubiah Binti Haji Wang [Kota Samarahan] minta **MENTERI PENDIDIKAN TINGGI** menyatakan kejayaan program keusahawanan di peringkat institusi pengajian tinggi dalam melahirkan golongan usahawan yang berjaya di kalangan lepasan universiti.
34. PR-1351-L00314
Dato' Sri Dr. Haji Irmohizam Bin Ibrahim [Kuala Selangor] minta **MENTERI SUMBER ASLI DAN ALAM SEKITAR** menyatakan supaya mengkaji semula Standard Operating Procedure (SOP) aktiviti perlombongan dengan mewajibkan setiap pengusaha lombong menimbui semula bekas lombong bagi mengelak berlakunya perkara-perkara yang tidak diingini disamping mengenakan tindakan berat ke atas mereka yang gagal mematuhi.
35. PR-1351-L00827
Dato' Sri Douglas Uggah Embas [Betong] minta **MENTERI PERUSAHAAN PERLADANGAN DAN KOMODITI** menyatakan secara terperinci perkembangan dan pencapaian Council of Palm Oil Producing (CPOPC) setakat ini.
36. PR-1351-L00262
Tuan Sim Tong Him [Kota Melaka] minta **MENTERI SUMBER ASLI DAN ALAM SEKITAR** menyatakan :-
- (a) keluasan kawasan penambakan laut yang telah dijalankan oleh setiap negeri sejak tahun 2000 dan nyatakan syarat-syarat yang dikenakan oleh pemaju, kontraktor dan kerajaan negeri untuk menjalankan projek tambak laut ini; dan
 - (b) adakah kelulusan telah diberi kepada negeri Melaka untuk penambakan laut di pantai pekan Umbai Melaka, luasannya 450 ekar.
37. PR-1351-L00385
Dato' Fauzi Bin Abdul Rahman [Indera Mahkota] minta **MENTERI SUMBER ASLI DAN ALAM SEKITAR** menyatakan sama ada Kerajaan telah membubarkan Majlis Tanah Negara (MTN) yang dipengerusikan oleh Timbalan Perdana Menteri. Jika belum, apakah tindakan MTN untuk mengembalikan status Tanah Rizab Melayu yang termaktub dalam Perlembagaan Persekutuan dan kini semakin terhakis.

38. PR-1351-L00633
Tan Sri Dato' Seri Abd Khalid Bin Ibrahim [Bandar Tun Razak] minta **MENTERI DALAM NEGERI** menyatakan jumlah perbelanjaan awam dan setiap tahun antara 2000-2015 demi ketenteraman awam dan penguatkuasaan undang-undang terutama untuk mencegah dan mengurangkan jenayah, memelihara kesentosaan dan kestabilan serta memastikan keselamatan dan keamanan awam.
39. PR-1351-L01027
Puan Hajah Siti Zailah Binti Mohd Yusoff [Rantau Panjang] minta **PERDANA MENTERI** menyatakan apakah status terkini isu kedaulatan Pulau Batu Puteh setelah mahkamah antarabangsa memutuskan ia milik Singapura pada tahun 2008.
40. PR-1351-L00734
Dato' Dr. Nik Mazlan Bin Nik Mohamad [Pasir Puteh] minta **MENTERI DALAM NEGERI** menyatakan laporan terperinci kejayaan yang telah dicapai melalui pendekatan pemulihan para penagih dadah semenjak pusat-pusat pemulihan diwujudkan.
41. PR-1351-L01007
Tan Sri William Mawan Ikom [Saratok] minta **MENTERI KESIHATAN** menyatakan rasional kenaikan caj rawatan pergigian dan perubatan di hospital dan Klinik bagi kelas 3.
42. PR-1351-L00651
Tuan Sim Chee Keong [Bukit Mertajam] minta **PERDANA MENTERI** menyatakan pecahan penjawat awam mengikut negeri, jantina, gred, sektor dan jabatan.
43. PR-1351-L00665
Dato' Ir. Nawawi Bin Ahmad [Langkawi] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah ada cadangan untuk membina Projek Perumahan Rakyat (PPR) di Pulau Langkawi.
44. PR-1351-L01022
Dato' Dr. Tan Kee Kwong [Wangsa Maju] minta **MENTERI WILAYAH PERSEKUTUAN** menyatakan berkenaan dengan pembinaan medan selera di Prima Setapak, adakah pembinaan ini dibina tanpa bantahan penduduk.
45. PR-1351-L00836
Tuan Lim Lip Eng [Segambut] minta **MENTERI DALAM NEGERI** menyatakan bilangan terbaru pendaftaran kad sementara 'Enforcement Card' (E-Kad) untuk pendatang asing tanpa izin (Pati) mengikut negeri dan negara asal Pati dan juga kategori pekerjaan mereka di Malaysia.

46. PR-1351-L01071
Dr. Ong Kian Ming [Serdang] minta **MENTERI PENDIDIKAN TINGGI** menyatakan jumlah peruntukkan yang diberikan kepada "University Malaysia of Computer Science & Engineering " (UniMY) pada tahun 2014, 2015, 2016 dan 2017.
47. PR-1351-L00749
Tuan Idris Bin Haji Ahmad [Bukit Gantang] minta **MENTERI DALAM NEGERI** menyatakan berapakah jumlah pelajar asing yang diambil tindakan kerana penyalahgunaan visa pelajar sejak tahun 2010, berdasarkan negara asal mereka.
48. PR-1351-L00862
Dr. Izani Bin Husin [Pengkalan Chepa] minta **MENTERI KEWANGAN** menyatakan apakah langkah Kerajaan dalam menyelesaikan isu 1MDB yang sedang mengalami masalah hutang yang begitu kritikal.
49. PR-1351-L01337
Tuan Sivakumar Varatharaju Naidu [Batu Gajah] minta **MENTERI PERTAHANAN** menyatakan jawatan tertinggi yang dipegang oleh orang-orang bukan Melayu dalam Tentera Darat Diraja Malaysia, Tentera Udara Diraja Malaysia dan Tentera Laut Diraja Malaysia sejak 5 tahun yang lalu. Apakah langkah-langkah untuk menggalakkan lebih ramai dari kalangan orang-orang bukan Melayu menyertai Angkatan Tentera Malaysia.
50. PR-1351-L00554
Dr. Azman Bin Ismail [Kuala Kedah] minta **MENTERI PERTANIAN DAN INDUSTRI ASAS TANI** menyatakan jumlah terkini lambakan beras di Malaysia. Apakah langkah-langkah Kementerian untuk mengatasi masalah ini.
51. PR-1351-L00721
Tuan Lim Kit Siang [Gelang Patah] minta **MENTERI DALAM NEGERI** menyatakan maklumat terperinci tentang bilangan orang yang telah ditahan di bawah Akta Kesalahan Keselamatan (Langkah-Langkah Khas) 2012 dan seterusnya didakwa ke Mahkamah dan disabitkan kesalahan, mengikut kesalahan mereka untuk setiap tahun daripada 2012 sehingga 2016.
52. PR-1351-L91377
Dato' Sri Abdul Azeez Bin Abdul Rahim [Baling] minta **MENTERI DALAM NEGERI** menyatakan apakah tindakan daripada pihak kementerian berkenaan kenderaan sedia ada yang digunakan oleh Agensi Anti Dadah Kebangsaan (AADK) telah usang dan membantutkan tugas kakitangan AADK terutamanya di kawasan luar bandar.
53. PR-1351-L91388
Datuk Seri Panglima Haji Abdul Ghapur Bin Salleh [Kalabakan] minta **PERDANA MENTERI** menyatakan berapa ramaikah rakyat tidak memahami RUU 355, bolehkah Kementerian memberi penjelasan yang sepenuhnya supaya rakyat tidak keliru.

54. PR-1351-L(5)01402

Tuan Loke Siew Fook [Seremban] minta **MENTERI KERJA RAYA** menyatakan apakah tindakan Jabatan Kerja Raya Negeri Sembilan untuk memastikan Jalan Seremban-Kuala Klawang dan Jalan Seremban-Mantin selamat untuk pengguna-pengguna jalan raya terutamanya untuk penunggang motosikal kerana keadaan kedua-dua jalan tersebut kurang memuaskan.

[Pertanyaan di bawah PM.22(5)]

55. PR-1351-L(5)01404

Tuan Liew Chin Tong [Kluang] minta **MENTERI KEWANGAN** menyatakan :-

- (a) nisbah pelaburan di luar negara dengan pelaburan di Malaysia bagi syarikat pelaburan berkaitan Kerajaan (GLIC) seperti MoF Inc, KWSP, KWAP, LTH, LTAT, Khazanah, PNB, dan lain-lain; dan
- (b) kadar pulangan daripada pelaburan di luar negara berbanding pelaburan di Malaysia bagi setiap GLIC.

[Pertanyaan di bawah PM.22(5)]

56. PR-1351-L(5)01406

Tuan Er Teck Hwa [Bakri] minta **PERDANA MENTERI** menyatakan pembahagian kuota haji bagi setiap negeri di Malaysia. Jelaskan kumpulan umur calon haji termasuk jantina sejak 2015 hingga 2016.

[Pertanyaan di bawah PM.22(5)]

ATURAN URUSAN MESYUARAT DAN USUL-USUL**1. Dato' Seri Abdul Hadi bin Awang [Marang] akan mencadangkan:-**

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

Pindaan Seksyen 2

Akta Mahkamah Syariah (Bidang Kuasa Jenayah) 1965 [Akta 355] dipinda dalam proviso kepada seksyen 2 dengan menggantikan perkataan “***penjara selama tempoh melebihi tiga tahun atau denda melebihi lima ribu ringgit atau sebatan melebihi enam kali*** “ dengan perkataan “***penjara selama tempoh melebihi tiga puluh tahun atau denda melebihi satu ratus ribu ringgit atau sebatan satu ratus kali sebagaimana ditadbir selaras dengan tatacara jenayah Syariah***”.

[Menteri di Jabatan Perdana Menteri]

2. R-1351-U(27)002

Dr. Tan Seng Giaw [Kepong] akan mencadangkan :-

Bahawa Dewan ini membahaskan masalah akibat penarikan Amerika Syarikat daripada TPPA.

[Menteri Perdagangan Antarabangsa Dan Industri]

3. PR-1351-U(27)003

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa, pertumbuhan penduduk di daerah Putatan adalah begitu mendadak sekali dan ditokok tambah dengan pembangunan infrastruktur yang rancak seiring dengan statusnya sebagai satu daripada daerah yang rancak membangun di negeri Sabah khususnya.

Dan mengambil maklum juga bahawa, dewasa ini, isu masalah sosial, keselamatan sosial serta ketenteraman sosial menjadi topik bualan harian di kalangan warga Putatan. Setiap hari ketiga-tiga topik ini akan kedengaran malah menjadi kegusaran bagi warga Putatan kerana kehadiran anggota keselamatan yang amat kurang disebabkan cadangan pewujudan dan pembinaan ibu pejabat polis daerah Putatan telah lama tertangguh.

Dan mengambil maklum juga bahawa ketika ini, isu masalah sosial, keselamatan sosial serta ketenteraman sosial di Putatan adalah di bawah pentadbiran Ibu Pejabat Polis Daerah Penampang serta sebahagiannya di bawah pentadbiran Ibu Pejabat Polis Daerah Kota Kinabalu.

Mengambil maklum juga bahawa untuk menangani masalah sosial, keselamatan sosial serta ketenteraman sosial di daerah Putatan, hanya sebuah balai polis yang dianggotai kurang daripada 22 anggota dengan kelengkapan yang serba kekurangan, terpaksa berhempas pulas untuk menjaga daerah Putatan dengan keluasan 30km persegi dan berkepadatan penduduk melebihi 100 ribu orang.

Dan mengambil maklum juga bahawa, apabila berlakunya sesuatu jenayah atau kecemasan, ada kalanya ketibaan anggota keselamatan itu agak lewat kerana jarak tempat kejadian dengan IPD Penampang atau IPD Kota Kinabalu agak jauh dan mengambil masa untuk tiba.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera meluluskan penubuhan dan pembinaan IPD Putatan lengkap dengan perjawatannya”.

[Menteri Dalam Negeri]

4. PR-1351-U(27)004

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa Perkara 11 Perlembagaan Persekutuan Malaysia memberikan semua rakyatnya kebebasan beragama.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka.

Dan mengambil maklum juga bahawa, Malaysia sebagai negara peneraju gerakan kesederhanaan global di bawah pimpinan YAB. Perdana Menteri, telah berjaya memahat nama di persada antarabangsa di mana Malaysia menjadi model penerimaan kepelbagaian agama dan kaum sebagai sumber kekuatannya.

Dan mengambil maklum juga bahawa, konsep penerimaan kepelbagaian agama dan bangsa melalui Gagasan 1Malaysia adalah model yang terbaik dalam mewujudkan keharmonian, kemakmuran dan perpaduan di negara ini. Dan mengambil maklum juga bahawa Kerajaan pimpinan YAB. Perdana Menteri berjanji melalui manifesto Barisan Nasional pada PRU ke-13, untuk menyediakan lebih banyak bantuan kewangan kepada institusi-institusi agama berdaftar dan rumah-rumah ibadat.

Dan mengambil maklum dan contoh, bahawa Kerajaan Negeri Sabah dan Sarawak juga telah menyediakan dana khas dalam bajet tahunan mereka bagi maksud bantuan kewangan kepada institusi-institusi agama berdaftar dan rumah-rumah ibadat di negeri Sabah dan Sarawak.

Maka, bagi memenuhi aspirasi di atas dan rakyat bukan Islam khususnya, Dewan yang mulia ini hendaklah mengambil ketetapan bahawa Kerajaan Malaysia hendaklah menyediakan satu jumlah khas (dana) dalam bajet tahunan negara, bagi aktiviti institusi-institusi agama berdaftar dan rumah-rumah ibadat (bukan Islam)."

[Perdana Menteri]

5. PR-1351-U(27)005

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa, Orang Asli yang terdiri daripada suku Semang (Negrito), Senoi dan Proto Malay adalah Orang Asli yang tinggal di Semenanjung Malaysia dan juga merupakan penghuni tertua di Semenanjung Malaysia.

Dan mengambil maklum juga bahawa, walaupun Orang Asli adalah merupakan penduduk asli Semenanjung Malaysia dan disebut sebagai "Bumiputera", namun mereka tidak menikmati keistimewaan yang diberikan kepada kaum Melayu dan Bumiputera negeri Sabah dan Sarawak di mana mereka tidak diiktiraf sebagai Bumiputera di bawah Perkara 153 Perlembagaan Persekutuan Malaysia.

Dan mengambil maklum juga bahawa, walaupun Jabatan Hal Ehwal Orang Asli (JHEOA) telah ditubuhkan pada tahun 1954 dan pindaan ke atas beberapa akta, seperti Akta Orang Asli 1954 telah dibuat bagi membolehkan dan meningkatkan sosio budaya dan ekonomi Orang Asli, namun kedudukan mereka tidak banyak berubah disebabkan status kedudukan mereka dalam Perlembagaan negara adalah kurang jelas.

Dan mengambil maklum juga bahawa, sesuai dengan konsep 1Malaysia yang diterajui oleh YAB. Perdana Menteri, kedudukan Orang Asli di negara ini hendaklah diterima semua dan diberikan hak dan layanan sama rata.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka, termasuklah kaum Orang Asli.

Maka, bagi menangani kepincangan ini, Dewan ini hendaklah mengambil ketetapan bahawa, Perkara 153 Perlembagaan Persekutuan Malaysia serta perkara-perkara yang berkaitan, hendaklah dipinda bagi membolehkan Orang Asli dikategorikan sebagai Bumiputera dan diberikan hak Bumiputera, seiringan dengan orang-orang Melayu dan kaum Bumiputera Sabah dan Sarawak."

[Perdana Menteri]

6. PR-1351-U(27)006

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa, masalah setinggan di bandar adalah masalah yang saban hari makin meningkat kerana migrasi dari luar bandar ke bandar, terutama sekali untuk tujuan mencari pekerjaan.

Dewan ini hendaklah juga mengambil maklum bahawa migran ekonomi yang berpindah daripada luar bandar ke bandar ini adalah dari golongan yang kurang berkemampuan/berpendapatan rendah dan mereka tidak mampu untuk membeli atau memiliki rumah-rumah yang dibina oleh pihak pemaju atau PR1MA yang ada pada ketika ini, di mana kebanyakan mereka ini hanya mampu untuk membayar kadar sewaan di bawah RM350 sebulan.

Dan mengambil maklum juga bahawa, matlamat Kerajaan mensasarkan sifar setinggan terutama sekali di kawasan bandar adalah agak sukar untuk dicapai selagi masalah perumahan bagi migran yang dimaksudkan di atas tidak ditangani secara tuntas.

Dan mengambil maklum juga bahawa, Program Perumahan Rakyat (PPR) yang dahulunya untuk sewaan tanpa had masa dilihat sebagai satu langkah alternatif bagi mengatasi masalah setinggan di bandar dan sekali gus memberikan kumpulan sasar untuk menduduki rumah yang agak selesa. Tetapi malangnya, status PPR tersebut telah dipinda kepada status rumah transit untuk pendudukan untuk tempoh tidak melebihi lima (5) tahun.

Dan mengambil maklum juga bahawa Program Perumahan Rakyat atau PPR yang ada sekarang ini merupakan sumber alternatif bagi mengatasi masalah setinggan di bandar di mana rumah-rumah PPR ini diubah syarat daripada sewaan kepada sewa beli bagi membolehkan mereka yang dimaksudkan di atas untuk akhirnya memiliki rumah mereka sendiri.

Maka, bagi menangani masalah setinggan bandar dan kekurangan perumahan untuk golongan kurang mampu, Dewan ini hendaklah mengambil ketetapan bahawa Kerajaan hendaklah meminda syarat pendudukan rumah PPR di seluruh negara daripada bulanan kepada syarat sewa-beli.”

[Menteri Kesejahteraan Bandar, Perumahan Dan Kerajaan Tempatan]

7. PR-1351-U(27)007

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa Chinese Independent School di Malaysia menjalankan taksiran peperiksaan persekolahan mereka melalui sijil yang dikenali sebagai Unified Examination Certificate (UEC) yang mana dibahagikan kepada tiga peringkat iaitu Unified Examination Certificate - Junior Middle (UEC-JML), Unified Examination Certificate Vocational (UEC-V) dan Unified Examination Certificate Senior Middle (UEC-SML).

Dan mengambil maklum juga bahawa, persijilan UEC telah pun diguna pakai dalam persekolahan oleh United Chinese School Committees Association of Malaysia sejak ianya diperkenalkan pada tahun 1975.

Dan mengambil maklum juga bahawa sijil UEC yang diperkenalkan oleh UCSCAM ini telah diiktiraf oleh universiti di serata negara seperti di United Kingdom, Amerika Syarikat, Taiwan, Hong Kong, China, Australia, Kanada, Singapura dan lain-lain negara.

Dan mengambil maklum juga bahawa malangnya, Kementerian Pendidikan dan Kementerian Pendidikan Tinggi Malaysia atau secara khususnya, Lembaga Akreditasi Negara tidak mengiktiraf sijil UEC ini terutama sekali bagi kemasukan ke universiti awam Malaysia, walau pun National University of Singapore yang berkedudukan tempat keempat universiti terbaik di dunia mengiktiraf sijil UEC ini.

Dan mengambil maklum juga bahawa dengan ketiadaan pengiktirafan yang dimaksudkan di atas, negara Malaysia secara tidak langsung mengalami kerugian yang besar di mana pemegang sijil UEC ini terpaksa meneruskan pendidikan tinggi mereka di luar negara di mana aliran wang keluar daripada negara ini dan juga kecenderungan lepasan sijil UEC ini untuk terus bekerja di luar negara adalah tinggi, di mana dalam hal ini negara Malaysia akan kerugian "aliran keluar" tenaga mahir ke luar negara.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera mengiktiraf Sijil Unified Examination Certificate bagi manfaat negara."

[Menteri Pendidikan]

8. PR-1351-U(27)008

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa kesan pemanasan global dan perubahan cuaca kini menjadi topik perbualan harian di seluruh pelosok dunia di mana ianya bukan lagi satu fenomena tetapi telah menjadi realiti yang mana setiap warga dunia mempunyai tanggungjawab untuk sama-sama melaksanakan langkah-langkah mitigasi bagi mengurangkan impaknya ke atas kehidupan manusia.

Dan mengambil maklum juga bahawa salah satu penyebab utama kedua-dua masalah di atas adalah akibat daripada kesan penebangan pokok-pokok disebabkan aktiviti ekonomi seperti pembukaan ladang dan sebagainya.

Dan mengambil maklum juga bahawa pihak berkuasa tempatan berperanan untuk mengambil bahagian dalam usaha untuk langkah mitigasi bagi mengatasi kedua-dua masalah di atas walaupun dalam bentuk kecil, dengan menanam lebih banyak pokok-pokok di seluruh kawasan seliaan mereka.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah meminta pihak

berkuasa tempatan untuk segera menanam lebih banyak pokok-pokok di kawasan di bawah seliaan mereka di samping memperbanyakkan kempen menanam pokok untuk menyemai budaya menanam pokok di kalangan rakyat setempat.”

[Menteri Sumber Asli Dan Alam Sekitar]

9. PR-1351-U(27)009

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa, bagi kawasan Dewan Undangan Negeri N.18 Petagas (Parlimen P.173 Putatan), hanya terdapat sebuah sekolah menengah sahaja iaitu Sekolah Menengah Kerajaan (SMK) Tansau, Putatan untuk menampung murid-murid keluaran lima (5) buah sekolah rendah yang terletak di kawasan yang sama.

Dan mengambil maklum juga bahawa, kerana kekurangan tempat di sekolah menengah, ramai murid daripada kawasan Dewan Undangan Negeri N.18 Petagas terpaksa meneruskan persekolahan menengah mereka di sekolah menengah di kawasan Dewan Undangan Negeri N.16 Luyang, N.17 Tanjong' Aru, N.19 Kapayan dan N.20 Moyog, di mana sekali gus meningkatkan kos persekolahan mereka daripada segi kos pengangkutan dan menyebabkan ketidakselesaan hidup rakyat.

Dan mengambil maklum juga bahawa cadangan pembinaan Sekolah Menengah Kerajaan (SMK) Petagas telah pun dirancang sejak Rancangan Malaysia Ke-Sembilan (RMK9) lagi dan disenaraikan semula dalam Rancangan Malaysia Ke-Sebelas (RMK11), namun sehingga kini belum terdapat sebarang keputusan tetap bagi permasalahan ini walau pun tapak bagi Sekolah Menengah Petagas serta infrastruktur asas seperti jalan raya telah pun tersedia.

Maka, bagi menangani masalah ini dan mendahulukan rakyat, Dewan yang mulia ini hendaklah mengambil ketetapan bahawa Sekolah Menengah Kerajaan (SMK) Petagas hendaklah dibina dan disiapkan dalam tempoh terdekat seperti yang telah dirancang terdahulu.”

[Menteri Pendidikan]

10. PR-1351-U(27)010

Dato' Kamarudin Bin Jaffar [Tumpat] akan mencadangkan :-

“Bahawa Dewan ini mengambil maklum akan cadangan untuk pembangunan semula kawasan Rumah Pangsa Sri Labuan dan pembangunan semula Zon 1 yang melibatkan Rumah Pangsa Sri Melaka, Sri Johor, Ikan Emas dan Sri Pulau Pinang di dalam kawasan Parlimen Bandar Tun Razak.

Dewan ini juga mengambil maklum kegelisahan majoriti penghuni di perumahan-perumahan yang terlibat akan masa depan mereka akibat daripada cadangan ini.

Maka Dewan ini mengambil kira suasana ini dan memutuskan bahawa segala cadangan pembangunan semula oleh Kementerian Wilayah Persekutuan di kawasan tersebut hendaklah mengambil kira perkara-perkara berikut:

- i. Mengadakan perbincangan dengan semua penghuni, iaitu pemilik dan penyewa selain daripada wakil-wakil blok dan persatuan-persatuan mereka;
- ii. Pihak DBKL mestilah dilibatkan dalam semua perbincangan dan keputusan, selain daripada pihak Kementerian;
- iii. Pemilihan pemaju mestilah ditentukan secara tender terbuka supaya penghuni dan pembeli mendapat tawaran terbaik; dan
- iv. Semua aspek pembangunan mestilah memberikan keselesaan kepada penghuni dengan mengambil kira ciri-ciri berikut:
 - a. Kepadatan setiap blok,
 - b. Keluasan unit
 - c. Kualiti pembinaan lif dan bahan binaan,
 - d. Kemampuan membayar yuran penyelenggaraan oleh pemilik selepas.

[Menteri Wilayah Persekutuan]

11. PR-1351-U(27)011

Dato' Kamarudin Bin Jaffar [Tumpat] akan mencadangkan :-

“Bahawa Dewan ini mengambil maklum dengan penuh kebimbangan akan pergolakan politik antarabangsa mutakhir ini yang mempamerkan satu suasana ketidakstabilan hubungan antarabangsa yang amat kritikal. Dewan juga memerhatikan dengan penuh kerisauan lagak politik Amerika Syarikat di bawah Presiden Trump, politik Eropah ekoran keputusan Brexit oleh Britain, politik Russia oleh Presiden Putin yang antara lain telah mengakibatkan Ukraine diceroboh dan penembakan pesawat MH17, dan lebih dekat lagi, politik Republik Rakyat China yang menuntut sebahagian Lautan China Selatan sebagai wilayahnya.

Maka, sebagai satu langkah peringkat negara dan serantau untuk menghadapi krisis ini, Dewan ini memutuskan untuk mempertegaskan dan menggerakkan semula dengan sungguh-sungguh dasar Asia Tenggara sebagai satu rantau yang aman, bebas dan berkecuali atau ZOPFAN yang telah dipersetujui dan dimeterai pada 27 November 1971 oleh Malaysia, Indonesia, Filipina, Thailand dan Singapura.”

[Menteri Luar Negeri]

12. PR-1351-U(27)012

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1MDB (1Malaysia Development Bhd) di bentang dan dikemukakan untuk perbahasan di Dewan Rakyat dengan kadar segera.”

[Perdana Menteri]

13. PR-1351-U(27)013

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya YAB. Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember”.

[Perdana Menteri]

14. PR-1351-U(27)014

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya mengesyorkan kepada KBDYMM Seri Paduka Baginda Yang Dipertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera.”

[Perdana Menteri]

15. PR-1351-U(27)015

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu di mana Akta Majlis Keselamatan Negara 2016 di bentang dan dikaji semula di Dewan Rakyat dengan kadar segera.”

[Perdana Menteri]

16. PR-1351-U(27)016

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya Sijil Peperiksaan Unified Examination Certificate (UEC) yang telah mendapat pengiktirafan antarabangsa diberi pengiktirafan penuh oleh Kerajaan Malaysia.”

[Menteri Pendidikan]

17. PR-1351-U(27)017

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan secara sebulat suara selaras dengan semangat Perlembagaan Persekutuan tahun 1957 dan prinsip "one man, one vote", mana-mana persempadanan semula kawasan pilihan raya jumlah bilangan pengundinya tidak boleh melebihi perbezaan 15% di antara semua kawasan pilihan raya di negara ini.”

[Perdana Menteri]

18. PR-1351-U(27)018

Tuan M. Kula Segaran A/L V. Murugeson [Ipoh Barat] akan mencadangkan :-

“Bahawa Dewan ini mengambil maklum penubuhan entiti persendirian yang dikenali sebagai MyEG menduakan kerja Kementerian Dalam Negeri. MyEG sebagai satu agensi di antara Kementerian Dalam negeri dan orang awam adalah tidak diperlukan, membazirkan sumber-sumber dan mengenakan fi yang tidak berpatutan kepada orang awam. Penubuhan entiti ini mempersoal integriti Kerajaan dan menggalakkan amalan korupsi.”

[Menteri Dalam Negeri]

19. PR-1351-U(27)019

Tuan Liew Chin Tong [Kluang] akan mencadangkan :-

“Bahawa Dewan ini menggesa Kerajaan untuk mengumumkan laporan penuh Jawatankuasa Siasatan Bebas mengenai kejadian kebakaran Hospital Sultanah Aminah Johor Bahru pada 25 Oktober 2016 untuk makluman dan pengetahuan rakyat tentang punca-punca berlakunya kebakaran tersebut. Kerajaan juga didesak untuk menyatakan langkah-langkah yang akan diambil untuk mencegah dan mengelakkan tragedi kebakaran berulang lagi di mana-mana hospital atau pusat perubatan.”

[Menteri Kesihatan]

20. PR-1351-U(27)020

Tuan Liew Chin Tong [Kluang] akan mencadangkan :-

“Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti dibawa ke Parlimen di bahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara”.

[Perdana Menteri]

21. PR-1351-U(27)021

Tuan Liew Chin Tong [Kluang] akan mencadangkan :-

“Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2017, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM4.92 bilion dan RM11.019 bilion yang membawa kepada jumlah keseluruhan RM15.94 bilion”.

[Menteri Kewangan]

22. PR-1351-U(27)022

Tuan Hee Loy Sian [Petaling Jaya Selatan] akan mencadangkan :-

“Dewan ini mengambil maklum bahawa Bajet 2016 sebanyak RM50 juta yang diperuntukkan kepada SJK (C) tidak disalurkan pada tahun yang ditetapkan. Dewan yang mulia ini hendaklah mengambil ketetapan bahawa semua peruntukan bajet yang diluluskan di Parlimen haruslah disalurkan kepada pihak yang sewajarnya pada tahun yang berkenaan juga”.

[Menteri Kewangan]

23. PR-1351-U(27)023

Tuan Hee Loy Sian [Petaling Jaya Selatan] akan mencadangkan :-

“Dewan ini mengambil maklum bahawa banyak pengusaha teksi persendirian mahu pun berdaftar di bawah syarikat swasta menghadapi kesukaran dan ada yang terpaksa menutup operasi mereka.

Dewan ini juga mengambil maklum bahawa salah satu punca permasalahan ini adalah dengan kewujudan Uber dan GrabCar yang jauh lebih efisien daripada operasi mereka melalui penggunaan teknologi aplikasi dengan menggunakan telefon pintar. Maka dengan menyedari hakikat ini, Dewan yang mulia ini hendaklah membahaskan langkah-langkah strategik bagi menyelamatkan pengusaha teksi yang ada dalam menghadapi persaingan daripada Uber dan GrabCar ini”.

[Perdana Menteri]

24. PR-1351-U(27)024

Tuan Hee Loy Sian [Petaling Jaya Selatan] akan mencadangkan :-

“Bahawa Dewan ini menolak pembinaan jana kuasa tenaga nuklear di Malaysia yang akan memudaratkan alam sekitar sekiranya berlaku kecuaian dan bencana. Dewan ini juga haruslah membuat ketetapan bahawa sekiranya ia ingin tetap diteruskan harus mendapat referendum sokongan daripada rakyat”.

[Perdana Menteri]

25. PR-1351-U(27)025

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, lebih dari 200 ribu pelajar-pelajar setiap tahun akan menduduki peperiksaan SPM. Ada yang berjaya melanjutkan pelajaran ke tahap yang lebih tinggi dan ada yang gagal. Di sinilah jurang pemikiran akan berlaku. Yang berjaya mara terus dalam pelajaran akan mendapat pendedahan yang baik dan akan menjadi warga dan anak bangsa yang berguna kepada masyarakat. Tetapi yang gagal akan teraba-raba dan menanggung risiko terbabas dari landasan yang diharapkan.

Adalah dicadangkan semua pelajar lelaki lepasan SPM dimasukkan ke dalam Program Khas Khidmat Negara / National Service selama dua tahun. Enam bulan pertama dilatih dari segi fizikal dan mental serta ilmu kewarganegaraan. Selebihnya setahun setengah lagi mereka ditempatkan dalam Angkatan Tentera Malaysia atau PDRM. Sebaik sahaja mereka tamat menjalani penempatan di ATM atau PDRM mereka hendaklah digalakkan meneruskan pelajaran sama ada jurusan akademik atau vokasional mengikut kelayakan mereka. Dengan cara ini masalah remaja dapat dikurangkan walaupun tidak diselesaikan. Banyak negara-negara lain telah melaksanakan program ini dengan jayanya”.

[Menteri Pertahanan]

26. PR-1351-U(27)026

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, semangat kekitaan dan berpasukan hendaklah ditanam dalam jiwa setiap pelajar sekolah. Setiap pelajar di sekolah rendah atau menengah hendaklah diwajibkan menyertai satu pasukan beruniform dan mereka hendaklah mendapat didikan dari guru-guru yang terlatih dalam bidang-bidang tertentu yang berhubung dengan pasukan tersebut. Sehari dalam seminggu sekolah hendaklah memperuntukkan agar guru-guru dan pelajar-pelajar memakai uniform pasukan masing-masing ke sekolah. Dengan itu pelajar-pelajar akan merasa bangga dengan pasukan mereka dan ini akan membina semangat kekitaan di kalangan pelajar-pelajar dan guru-guru”.

[Menteri Pendidikan]

27. PR-1351-U(27)027

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, ramai ibu bapa mengeluh kos menghantar anak-anak ke sekolah makin meningkat mahal. Ini termasuk kos belanja makan harian anak-anak di sekolah. Oleh kerana kos juga pengusaha kantin akan menyediakan makanan yang kurang kualiti dan tidak berzat, malah ada yang membahayakan termasuk menggunakan perisa tiruan dan pemanis yang dilarang oleh Kementerian.

Satu kempen "membawa makanan dari rumah" yang melibatkan banyak Kementerian dan Jabatan hendaklah dimulakan. Jika makanan dibawa dari rumah sudah pasti ianya bersih, berzat dan jauh dari keracunan. Pelajar juga mesti digalakkan membawa air masak putih dari rumah dan dengan ini akan mengelakkan mereka dari meminum air bergas dan air manis yang merosakkan kesihatan pelajar-pelajar. Tindakan membawa makanan dari rumah bukan sahaja memastikan kesihatan terjamin juga mengurangkan kos menghantar anak-anak ke sekolah”.

[Menteri Pendidikan]

28. PR-1351-U(27)028

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, ramai kakitangan awam yang ada ilmu berniaga dan ada yang terlibat dengan perniagaan secara sambilan. Ramai yang mahu menceburkan diri dalam perniagaan secara langsung tetapi sayang akan hilang pencen jika berhenti dari perkhidmatan awam. Akhirnya mereka berada dalam dua alam dan tidak fokus kepada tugas sebenar. Adalah dicadangkan Kerajaan mengkaji semula dasar membenarkan kakitangan awam berhenti dari perkhidmatan dan mendapat pencen.

Adalah dicadangkan jika seseorang kakitangan awan telah berkhidmat selama 21 tahun mereka boleh berhenti dan mendapat pencen. Ini samalah dengan anggota Angkatan Tentera Malaysia. Jika ini boleh dilakukan kita akan melihat mereka yang terlibat dalam perniagaan datang dari mereka yang ada pengalaman dan ada networking. Di samping itu tempat yang dikosongkan oleh mereka akan diisi oleh ramai lulusan pengajian tinggi yang tidak mempunyai kerja yang tetap atau sesuai”.

[Perdana Menteri]

29. PR-1351-U(27)029

Tuan Fong Kui Lun [Bukit Bintang] akan mencadangkan :-

“Bahawa dewan mencadangkan Kerajaan supaya mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun Negara telah menjadi Negara merdeka dan berdaulat sejak 60 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi Negara secara bersama dan merealisasikan Impian Malaysia”.

[Perdana Menteri]

30. PR-1351-U(27)030

Tuan Fong Kui Lun [Bukit Bintang] akan mencadangkan :-

“Bahawa dewan mencadangkan Kerajaan memulihkan pilihan raya kerajaan tempatan seluruh Negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat”.

[Menteri Kesejahteraan Bandar, Perumahan Dan Kerajaan Tempatan]

31. PR-1351-U(27)031

Tuan Manivannan A/L Gowindasamy [Kapar] akan mencadangkan :-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan.

Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama”.

[Menteri Kesejahteraan Bandar, Perumahan Dan Kerajaan Tempatan]

32. PR-1351-U(27)032

Tuan Manivannan A/L Gowindasamy [Kapar] akan mencadangkan :-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh pakar perubatan forensik sendiri bagi mewakili pihak keluarga si mati semasa bedah siasat dijalankan”.

[Menteri Dalam Negeri]

33. PR-1351-U(27)033

Tuan Manivannan A/L Gowindasamy [Kapar] akan mencadangkan :-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia”.

[Menteri Pendidikan]

34. PR-1351-U(27)034

Tuan Wong Sze Phin @ Jimmy [Kota Kinabalu] akan mencadangkan :-

“Bahawa Kerajaan Malaysia mengiktiraf Sijil Peperiksaan Bersepadu Sekolah-sekolah Menengah Persendirian Cina di Malaysia (Certificate of Unified Examination for Independent Chinese Middle Schools in Malaysia) ataupun UEC sebagai sijil peperiksaan yang setaraf dengan Sijil Tinggi Pelajaran Malaysia (STPM).

Di Sabah, ibu bapa dari kaum dan bangsa selain Cina turut menerima dan memilih sistem pendidikan Sekolah Menengah Persendirian Cina. Malahan, jumlah pelajar di Sekolah - sekolah Menengah Persendirian Cina di Sabah yang bukan dari keturunan Cina adalah antara 25% sehingga 85%.

Kerajaan Sarawak telah mengiktiraf UEC sebagai peperiksaan yang diterima oleh perkhidmatan awam Sarawak. Kerajaan pusat juga telah berkali-kali menyatakan pertimbangan dalam mengiktiraf UEC.

Lebih 100 universiti dari 12 negara seperti Australia, UK, US dan lain-lain telah mengiktiraf UEC dan diterima sebagai sijil untuk memasuki universiti dan pusat pengajian tinggi sejak lebih tiga puluh tahun yang lepas.

Di sini, saya menggesa Dewan ini mengambil ketetapan untuk meluluskan cadangan bahawa UEC diterima oleh semua universiti, pusat pengajian tinggi tempatan dan juga perkhidmatan awam di Malaysia”.

[Menteri Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2017</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.5	Laporan Tahunan dan Penyata Kewangan Lembaga Kemajuan Tanah Persekutuan (FELDA) Bagi Tahun 2015.	6 April 2017
ST.32	Laporan Tahunan dan Penyata Kewangan Pertubuhan Berita Nasional Malaysia (BERNAMA) Bagi Tahun 2015.	6 April 2017
ST.33	Laporan Tahunan dan Penyata Kewangan Perbadanan Kemajuan Filem Nasional (FINAS) Bagi Tahun 2015.	6 April 2017

****UCAPAN-UCAPAN**
(PERATURAN MESYUARAT 17 BAHARU)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 6.4.2017 (Khamis)	1. YB Tuan Wong Sze Phin @ Jimmy (Kota Kinabalu)	1. Apakah Tindakan Kerajaan Persekutuan Untuk Menyelesaikan Masalah Bekalan Air Di Sook, Pensiangan, Sabah	1. YB Menteri Kemajuan Luar Bandar dan Wilayah
2. 6.4.2017 (Khamis)	2. YB Tuan Sivakumar A/L Varatharaju Naidu (Batu Gajah)	2. Isu Pendidikan Khas	2. YB Menteri Pendidikan

**** Ucapan-ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**